

Radøy kommune

Saksframlegg

Saknr	Utval	Type	Dato
011/2019	Råd for menneske med nedsett funksjonsevne	PS	15.05.2019

Sakshandsamar	Arkivsaknr.:	Dokumentnr.:
	19/797	19/7172

Politisk styringsstruktur og reglement for Alver kommune - høyring RMNF

Saksopplysingar:

Bakgrunn

Fellesnemnda for Alver kommune vedtok i mars 2018 prosjektmandat for politisk styringsstruktur og lokaldemokrati. Det vart valt ei prosjektgruppe som har hatt som hovudmål å utgreia og koma med framlegg til politisk organisering og struktur for Alver kommune.

Prosjektgruppa har lagt fram sitt forslag, og fellesnemnda handsama saka i møte 1. april 2019.

Fellesnemnda gjorde følgjande vedtak:

Fellesnemnda har lagt fram sak om Politisk styringsstruktur og reglement for Alver kommune til orientering.

Saka blir sendt på høyring til utvala og dei politiske parti i Lindås, Meland og Radøy med svarfrist innan 20.05.19.

Endeleg innstilling i saka vil bli lagt fram i Fellesnemnda sitt møte 03.06.2019.

I framlegget frå prosjektgruppa ligg intensjonsavtalen sitt punkt 6 – demokratimodellen, til grunn for den politiske organiseringa.

Prinsippet om gjennomgåande representasjon ligg til grunn for val av formannskap og faste utval.

Det som no er lagt fram frå prosjektgruppa er følgjande:

- reglement for kommunestyre, formannskap, utval og råd.
- Budsjetreglement
- Prosjektstyring
- Rapportering frå rådmann
- Etske retningsliner
- Delegering til rådmann
- Arbeidsvikår og godtgjersle til folkevalde

Prosjektgruppa har hatt ein gjennomgang av reglement for kommunar tilsvarande Alver, i tillegg til gjeldande reglement for Radøy, Meland og Lindås.

Alver kommunestyre vil ha 47 representantar, etter likelydane vedtak i kommunestyra i Radøy, Meland og Lindås. Ved ei rullering av reglementet rår prosjektgruppa til å redusera tal medlemmar i kommunestyret.

Fellesnemnda har sett 20. mai som frist for å koma med uttale til politisk styringsstruktur og reglement for Alver kommune.

Endeleg innstilling i saka vil bli lagt fram i Fellesnemnda sitt møte 03.06.2019.

Det er fellesnemnda som har sendt denne saka ut på høyring, og det er fellesnemnda som også skal ta avgjerd i saka. Rådmannen meiner difor det vil vera riktig å leggja fram saka utan tilråding.

Rådmannen sitt framlegg til vedtak:

Saka vert lagt fram til drøfting og uttale.

Råd for menneske med nedsett funksjonsevne - 011/2019

RMNF - handsaming:

Råd for menneske med nedsett funksjonsevne meiner at det i første periode i Alver kommune er viktig å sikra representasjon frå alle dagens tre kommunar i dette rådet.

Rådet meiner også at leiar i rådet bør vera ein av representantane frå brukar- og interesseorganisasjonane.

Det vart sett fram følgjande felles framlegg til uttale:

- Det er viktig at råd for menneske med nedsett funksjonsevne i Alver kommune i første periode vert sikra representantar frå alle dei tre kommunane - tilsvarande ved val av varafolk.
- Leiar i rådet bør vera ein av representantane frå brukar- og interesseorganisasjonane.
- Rådet må bli tidleg involvert slik at at ein kan koma med uttale og tilråding før politiske vedtak vert gjort.
- Det er høveleg at møta vert lagt til dagtid. Me ser for oss at det kan vere naturleg med møte ein gong pr. månad, oftare dersom sakshandsaming krev det.

Rådet vedtok framlegg til uttale, sett fram i møtet.

RMNF - vedtak:

- Det er viktig at råd for menneske med nedsett funksjonsevne i Alver kommune i første periode vert sikra representantar frå alle dei tre kommunane - tilsvarande ved val av varafolk.
- Leiar i rådet bør vera ein av representantane frå brukar- og interesseorganisasjonane.
- Rådet må bli tidleg involvert slik at at ein kan koma med uttale og tilråding før politiske vedtak vert gjort.
- Det er høveleg at møta vert lagt til dagtid. Me ser for oss at det kan vere naturleg med møte ein gong pr. månad, oftare dersom sakshandsaming krev det.

Vedlegg:

Politisk styringsstruktur og reglement for Alver kommune - sak frå fellesnemnda

Politisk styringsstruktur og reglement - til uttale_03.04.2019

Matrise for avlønning vedlegg